

JARIDA LA

WIZARA YA UTAMADUNI, SANAA NA MICHEZO



Wizara ya Furaha

Toleo la Mtandaoni: 11 | 14 Agosti, 2022 - TABORA | www.michezo.go.tz

MABINGWA UMISSETA 2022 WAANZA KUIBUKA



wizara_SanaaTz





MABINGWA UMISSETA 2022 WAANZA KUIBUKA

14 Agosti, 2022



Mwanza Yabeba Medali Riadha Kundi Maalumu

Na Shamim Nyaki – WUSM

Mkoa wa Mwanza umefani-kiwa kubeba Medali (Wavulana na Wasichana) kwenye mbio za mita 100 kundi maalumu, katika mashindano ya UMISSETA kitaifa mwaka 2022 mkoani Tabora.

Mkoa wa Mwanza umebeba Medali hizo kupitia Wanafunzi Baraka Stephano upande wa Wavulana aliyekimbia kwa Sekunde 12 nukta 40 na Edina Lubanza

aliyekimbia kwa Sekunde 15, nukta 18.

Wanafunzi hao wamepokea Medali kutoka kwa Viongozi wa Serikali Agosti 14, 2022 katika Uwanja wa Sekondari ya Wavulana Tabora.

Mshindi wa pili upande wa Wavulana ni Sheria Choma, kutoka Mkoa wa Kagera aliyekimbia kwa sekunde 12 nukta 56 huku namba tatu ikienda Mkoa wa Njombe

kupitia Shaibu George aliyekimbia kwa sekunde 12 nukta 57.

Kwa upande wa Wasichana, Salima Mohamed kutoka Mkoa wa Mtwara alikamata nafasi ya pili kwa kukimbia kwa sekunde 15 nukta 62, huku nafasi ya tatu ikienda Iringa kupitia Grace Timothy aliyekimbia kwa sekunde 16 nukta 46.



Mikoa Tisa Yaingia Fainali Sanaa za Maonesho UMISSETA 2022

Na Bryson Mshana – TABORA

Mikoa Tisa imeingia fainali katika mashindano ya Sanaa za jukwaani kwenye mashindano yanayoendelea Ukumbi wa Chuo cha Ualimu Tabora, ikiwa ni mwendelezo wa michezo ya shule za Sekondari (UMISSETA) inyofanyikia kitaifa Mkoani humo.

Mchuzi wa awali ulihusisha mikoa kushindana katika makundi A, B na C uliofanyika Agusti 13, 2022 na kuhitimishwa Agusti 14, 2022 ambapo vikundi vya ngoma vilipata nafasi ya kuwakilisha mikoa mbalimbali ya Tanzania.

Mikoa Tisa iliyoingia fainali imetangazwa kuwa ni Dodoma, Arusha na Kagera kutoka kundi D, Lindi, shinyanga na Njombe kundi B na Mtwara, Pwani na Mwanza kutoka Kundi D.

Akizungumzia maonesho hayo ya Sanaa za michezo

kutoka kwa wanafunzi wa shule za Sekondari, Afisa Utamaduni Mwandamizi kutoka Ofisi ya Mkuu wa Mkoa wa Shinyanga Bi. Janeth Elias amesema yanapaswa kutiliwa mkazo kutohana na umuhimu wake kwa vijana kwani Sanaa ni ajira.

Bi. Janeth amewashsuri maafisa utamaduni kutoka mikoa yote nchini, kudumisha Sanaa za utamaduni katika shule mbalimbali zilizopo mkoani kwao uli kuzidi kuendeleza vipaji vya wanafunzi.

“Sisi Shinyanga tumekuwa na mikakati mbalimbali ya kuhakikisha kuwa tunadumisha sanaa za utamaduni kuititia shule mbalimbali zilizopo katika mkoa wetu, kwakweli tunaenda vizuri hivyo nawasihi wengine pia kufanya hivyo” amesitiza Bi. Janeth Elias.

Naye Mjumbe wa kamati ya

utendaji ya mashindano ya shule za sekondari kwa ukanda wa Afrika Mashariki (FEASSSA), Bw. Vitalis shija ambaye amefika mkoani Tabora kwa ajili ya kushuhudia michezo ya UMISSETA 2022 ameeleza kufurahishwa na uratibu uliofanywa na serikali.

Ameipongeza Wizara ya Utamaduni, Sanaa na michezo kwa maandalizi mazuri hususan katika eneo la sanaa za michezo ambazo amesema kuititia kwake ndipo vijana wanapojua misingi ya tamaduni zao.

“Nimeshuhudia mambo makubwa hapa, hiki kinachofanyika sio burudani tu bali kuweka misingi ya vijana hawa kujua utamaduni wa Taifa lao kuititia sanaa za michezo” ameela-za Bw. Shija.



Sanaa za Maonesho UMISSETA, Bongo Flavour Yaanza Kushika Kasi

Na Bryson Mshana – TABORA

Muziki wa kizazi kipywa maarufu kama Bongo Flavour ni moja ya fani ambazo zinashindaniwa katika mashindano ya michezo kwa shule za sekondari nchini (UMISSETA 2022) ambayo mwaka huu yanafanyika kitaifa Mkoani Tabora.

Katika mashindano ya Sanaa za michezo yanayoendelea ukumbi wa chuo cha ualimu Tabora, vijana kutoka katika mikoa tisa inayounda kundi D, wamechauana vikali Agosti 14, 2022 wakitafuta nafasi ya kusonga mbele kwenye fani ya muziki wa kizazi kipywa.

Mikoa ambayo imehusika katika kundi A ni Arusha, Kagera, Dar es salaam, Simiyu, Dodoma, Kilimanjaro, Singida, Kigoma pamoja na Tanga.

Mwalimu Elizabeth Sikahonga kutoka Manispaa ya Ubungo Dar es salaam ambaye alikuwa ukumbini kushuhudia mashindano hayo, amewataka waalimu nchini waendelee kuwaunga mkono na kuwatia moyo wanafunzi wenye vipaji vyaa sanaa mbalimbali kwani kufanya hivyo ni kuwangezea wigo na kuwakuza kisanaa.

“Sanaa ni ajira ambayo vijana wanaweza kuitumia kujipatia kipato, hivyo wanafunzi wanaoonesha uwezo katika muziki wanatakiwa kuungwa mkono ili kuendelea kuwangezea wigo wa kuijendeleza zaidi” amesitiza Mwalimu Elizabeth Sikahonga.

Akizungumzia mashindano hayo, Mjumbe wa kamati ya utendaji ya mashindano ya

shule za sekondari kwa ukanda wa Afrika Mashariki (FEASSSA) kutoka Nchini Uganda Haji Fadhili, amesema yatasaidia kukuza vipaji vyaa uiambaji shulenii.

Bw. Fadhili ambaye amettembelea michezo ya UMISSETA Mkoani Tabora ili kujionea kile kinachoendelea, amesema taifa lolote linalotunza utamaduni wake hususan kwa kuwekeza kwa vijana shulenii linakuwa limeweka hazina ya baadae.

“Nimeshuhudia mambo makubwa na muhimu hapa tangu asubuhi, utamaduni ndio kila kitu duniani, usipeweza kuenzi utamaduni wako unajiweka kwenye hatari kubwa, hongera kwa Tanzania imeliona hili na limekuwepo toka enzi” amesema Fadhili.

Wanafunzi kutoka Mikoa mbalimbali wanaendelea kuonesha-na ubabe katika mchezo wa mpira wa Mikono (Wavulana na Wasichana) kwenye Mashindano ya Michezo kwa Shule za Sekondari Tanzania yanayoendelea mkoani Tabora.





Njombe na Arusha Bingwa Mbio za Mita 200 UMISSETA 2022

Na Shamim Nyaki – WUSMT

Mkoa wa Arusha umefanikiwa kuibuka na Medali ya mbio za Mita 200 (Wavulana) kuitia Elia Clement aliyelembia kwa muda wa sekunde 22 nukta 81, huku Stumai Msemwa kutoka Njombe akiupatia Medali Mkoa wake upande wa Wasichana baada ya kukimbia kwa muda wa Sekunde 26 nukta 50.

Medali za mbio hizo zime-tolewa Agosti 14, 2022 katika Uwanja wa Sekondari

ya wavulana Tabora, ambazo zinafungua pazia la kusaka washindi wa Mashindano ya Michezo kwa Shule za Sekondari (UMISSETA) yanayoendelea mkoani Tabora.

Mshindi wa pili upande wa Wavulana katika mbio hizo ni Emmanuel Simon kutoka Tabora aliyelembia kwa Sekunde 23 nukta 00, huku Kimana Kibase kutoka Mkoa wa Pwani akishika nafasi ya tatu baada ya kukimbia kwa sekunde 25 nukta 53.

Kwa upande wa Wasichana, Betha Evarist kutoka Kilimanjaro aliibuka namba mbili baada ya kukimbia kwa sekunde 26 nukta 70, huku Monica Simon kutoka Singida akishika namba tatu baada ya kukimbia kwa muda wa sekunde 26 nukta 90.

Washindi hao wameeleza furaha yao, ambapo wamesema imetokana na ari, mazoezi pamoja na kufuata maelekezo ya Makocha wao.

Wanafunzi kutoka Mikoa mbalimbali wanaendelea kuonesha-na ubabe katika mchezo wa mpira wa miguu (Wasichana) kwenye Mashindano ya Michezo kwa Shule za Sekondari Tanzania yanayoendelea mkoani Tabora.




Washindi katika michezo ya Riadha inayojumuisha kurusha Kisahani, Tufe, mbio za Mita 100 (Kundi maalum), mita 200 (Wavulana na Wasichana) pamoja na Mita 3000 (Wavulana na Wasichana kutoka Mikoa mbalimbali kwenye Mashindano ya Michezo kwa Shule za Sekondari Tanzania yanayoendelea mkoani Tabora, wamepokea Medali Agosti 14, 2022 Uwanja wa Sekondari ya wavulana Tabora.





UMITASHUMTA | UMISSETA 2022



#SensaBika

Limeandaliwa na Kitengo cha Mawasiliano Serikalini
Wizara ya Utamaduni, Sanaa na Michezo